



مشیتِ جلیلہ اسلامیہ نک جریده رسمیه پیدر

شوال ۱۳۳۵

عدو: ۳۲

آیدہ بر نشر اولنور

اوپنجی سنہ

فتوا خانہ عالی مقرراتی

کتابیہ نیک زوجی اہتدا ایتمکله تجدید نکاح لازم کلیہ جکی حقنہ
زوجہ کتابیہ نیک زوجی اہتدا ایتدکن صوکرہ بینرندہ زوجیت کا کان باقی اولخلہ
حادثہ تجدید نکاح اقتضا ایتمز .

☆ ☆

تقدیر نفقہ دہ مخبرلرک عدالتی حقنہ

نفقہ نیک تقدیری خصوصندہ طرفینک حاللرینہ واقف مخبرلرک عدالتلری شرط
اولدیغندن مخبرون مزبورونک عدالتلری متحقق اولدینی صورتدہ قاضی اخبار مذکورہ
بناءً نفقہ بی تقدیر وعادل اولدقلری تقدیردہ دیگر عادل مخبرلر تحری ایدر .

☆ ☆

قاضینک قضاسی خارجندہ کی عقار دعواسندہ لاجل الکشف مصلحتہ نائب
اعزام ایدہ بیلہ جکی حقنہ [*]

مأل استفتایہ نظراً قاضی کشف ومعاينہ کی خصوصاتدہ قضاسی خارجندہ بولنان
محلہ نائب اعزام ایدہ بیلور اولبابدہ .

[*] بوبابده آیدین ولایتی صرکز قاضیکندن ورود ایدن ۱۰ ربیع الآخر سنہ ۱۳۳۵
و ۲۱ کانون ثانی سنہ ۱۳۳۲ تاریخلی تحریرات صورتیدر :
آخر قضا داخندہ بولنان اموال غیر منقولہ دعوالرینک مجلہ نیک بیک سکزیوز یدنجی ماده سی
موجبجہ طرفینک مقیم بولندقلری محکمہ دہ رؤی جائز ایدہ کشف وتقسیم ومعاينہ کی خصوصاتک
بالذات نائب اعزامیلہ می یوقسہ عینی مثللو اموال غیر منقولہ نیک بولندینی قضا قاضیسی انابہ ایدلک
صورتیلہ می اجر اسندہ تردد ایدلکله استعمال کیفیتہ جرأت قلندی اولبابدہ .

